



Synfocity = 859

mail us at : mzsinfo@gmail.com; mizoramsynod@gmail.com - Phone - 2314648

September 22, 2022

□ Praise On hlanna inkhawm

Synfo leh Central KṚP ṭangkawpin an buatsaih Praise On 2022 Mal zai Intihsiak tur chu Sept. 20, 2022 (Thawhlelni) zan dar 8:30 khan Pathian hnena hlanna inkhawm, Mission Veng Kohhran hall-ah neih a ni.

Hlanna inkhawmah hian Central KṚP General Secretary Upa Rochungnunga'n hunserh a hmang a, Organising Secretary-in inhmelhriattirna neiin report a pe nghal a, Senior Executive Secretary Rev. C. Zorammawia'n Praise On 2022 Mal zai intihsiak neih tur chu ṭawngṭaiin Pathian hnenah a hlan a ni. He hunah hian Praise On 2016-a pakhatna NI. R. Lalrinmawii (Arini) leh Mizoram Synod Choir te an zai a, Rev. Dr. F. Pachhunga, Central KṚP Leader-in malsawmnain inkhawm a ṭin a ni. Hlanna inkhawm hi Host NI. Lalremsiami'n a kaihruai a. Praise On 2022 a tel tur hian Branch 170 aṭangin hming pe 424 an awm.

Praise On Mal zai intihsiak Elimination Round hi Sept. 26 hian Kolasib-ah neih a ni tawh dawn a, Lunglei-ah Sept. 27, Mamit-ah Sept. 28, Serchhip-ah Sept. 29, Champhai-ah Sept. 30 leh Aizawl-ah Oct. 3 - 6, 2022 chhunga neih tura ruahman a ni a, Second Round, Top 50, Top 20, Top 10 leh Final Round hmanga inelna neih leh a ni ang.

□ Synod Rescue Home Day wawi 35-na

Sept. 21, 2022 (Nilaini) chawhnu dar 1:30 khan Synod Rescue Home Day wawi 35-na lawmna programme chu Synod Rescue Home Chapel-ah neih a ni.

Home Day lawmna programme hi Rescue Home Director Rev. Lallianmawia Pachuau-in a kaihruai a, report pahnih Pu R. Lalnunluanga, Synod Social Front Coordinator leh Pi K.C Lalchhandami, Social Worker te hnen aṭangin ngaihthlak a ni a, Rev. C. Zorammawia, Senior Executive Secretary-in Home Day Address a sawi a, mi 2 Pu Lalawmpuia leh NI. Lydia VL Nunmawii te hnen aṭangin Testimony ropui tak ngaihthlak a ni bawk. He hunah hian Rescue Home Zaipawl, NI. H. Lalremruati leh One in Christ te hnen aṭangin Pathian fakna hla ngaihthlak a ni a, Rev. J.H Zaikima, Leitan Bialtu Pastor-in malsawmnain a ṭin a ni.

Tunah hian thawktu 29 awmin damlo 54 (Mipa 49 leh hmeichhia 5) an awm mek a. Damlo admit tawh zawng zawng hi 6464 an ni. September 2021 - September 2022 chhung khan mimal, Pawl leh Kohhran aṭangin ṭanpuina sumfai leh thilpek chi hrang hrang ṭahnem tak an dawng bawk.

□ Synod Mission Board leh ram pawn chet velna

♦ Kum 2022 August thla thlenga Mission Field hrang hranga ringthar neih dan hetiang hi a ni:

S.No	Field	Total	S.No	Field	Total
1.	Arunachal & Assam Mission (East)	46	10.	Karbi Anglong	169
2.	Arunachal & Assam Mission (North)	39	11.	Kolkata	1393
3.	Arunachal & Assam Mission (West)	86	12.	Lucknow	133
4.	Assam	87	13.	Nepal	91
5.	Barak Area	142	14.	Odisha	127
6.	Delhi	141	15.	Patna	157
7.	Home Mission North	89	16.	Siliguri	324
8.	Home Mission South	117	17.	Tripura	862
9.	Jharkhand	420	18.	Masihi Sangati	6307
				BELHKHAWM	10730

♦ Field Committee

Sept. 13 - 26, 2022 chhung hian Tripura, Karbi Anglong leh Assam Field-ah te Field Committee neiin Rev. Dr. K. Lallawmzuala, Executive Secretary leh BEC member te Rev. Vanlalrova Khiangte leh Rev. C. Chawngliana te an kal.

♦ Zin

Sept. 20 - 23, 2022 chhung hian Bangalore-ah India Mission Association (IMA) intawhkhawmna neih a ni a, he hunah hian Rev. R. Lalhmingsanga, Secretary, SMB a kal. He intawhkhawmah hian India ram chhunga Mission rawngbawlna lama thawktute an kal a ni.

Contd...

♦ **Jharkhand Mission Field**

Sept. 12, 2022 (Thawhtanni) khan mi 7 Lal Isua zui turin an inpe a, ni 17 (Inrinni) khan mi 8 Lal Isua zui turin an inpe a, ni 18 (Pathianni) khan mi 11 Lal Isua zui turin an inpe a, Roman Catholic atangin mi 3 kan Kohhranah an inpe bawk.

♦ **Odisha Mission Field**

Sept. 17, 2020 (Inrinni) khan Tentuliguda leh Dengnaguda (Koraput)-ah Medical camp neih a ni a. Damlo 120 vel an in entir.

Sept. 18, 2022 (Pathianni) khan mi 31 Lal Isua zui turin an inpe.

♦ **Assam Mission Field**

Sept. 18, 2022 (Pathianni) khan mi 2 Lal Isua zui turin an inpe.

♦ **Arunachal & Assam Mission Field (West)**

Sept. 18, 2022 (Pathianni) khan mi 8 Lal Isua zui turin an inpe.

□ **Nu leh Pa Ni/Kristian Chhungkaw Ni**

Pathian kaihhruaina-in Kohhran hoten Kumin 2022 Beihruah thla chu tluang takin kan hmang chho zel a, Sept. 25 (Pathianni) chawhnu leh zan hi Special programme niin chawhnuah Nu leh Pa Ni programme hman a ni ang a, '**Nu leh Pa hlutna**' tih thupui zir a ni ang a, Zanah Kristian Chhungkaw Ni programme hman a ni leh ang a, '**Pathianin kan chhungkuaa chen a duh**' tih thupui zir ho a ni leh ang.

Beihruah programme hi September 1 atang khan hman tan a ni a. September 1 - 4 chhung khan 'Ramthar Hapta' hman a ni a, September 5 - 18 chhung khan 'Kraws Thu' zirho leh a ni a, September 19 - 25 chhung hian 'Kristian Chhungkaw Hapta' hman a ni leh a ni. Beihruah hi kum 1918 June thla atanga hman tan a ni a, kum 1925 atangin September thlaah neih thin a ni a, kum 1947 atangin Nilai Zan Thupui Bu leh Beihruah Thupui hi bu khata siam tan a ni.

□ **Synod Higher Secondary School**

♦ Synod Higher Secondary School chuan an kum 60 tlin (Diamond Jubilee) pualin Sept. 15 & 16, 2022 khan School NSS Unit bul tumin an Multipurpose Hall-ah a mamawh apiang te tan thisen Unit 207 an pe a, thisen petute hi mipa 166 leh hmeichhia 41 an ni.

Diamond Jubilee puala thisen pek buatsaihah hian tuna zirlai leh thawktu ni mekte bakah zirlai hlui engemaw zatin thisen an pe a, Mizoram State-a NSS hotu ber Dr. Zirliangnura, SNO pawhin School hming hian thisen a pe ve a ni.

Synod Higher Secondary School hian thisen mamawh ngawih ngawihte tana a thlawna thisen pek hi an ngai pawimawh hle a, April 2020 - March 2021 academic session chhung khan unit 121 pein Higher Secondary School category-ah Association for Voluntary Blood Donation (AVBD) chuan thisen pe hnem ber (First Prize)-ah puangin thuziak mawi tak a lo hlan tawh a; April 2021 - March 2022 academic session-ah unit 104 pein Association for Voluntary Blood Donation (AVBD) chuan thisen pe hnem ber (First Prize) ah puang lehin thuziak mawi tak a hlan leh bawk a ni.

April 2020-March 2021 academic session chhung hian Sports Minister's Trophy for voluntary Blood Donation First Prize dawngin thuziak mawi tak leh Rs. 50,000/- hlan an ni a. April 2021-March 2022 academic session ah Sports Minister's Trophy First Prize dawng tura thlan an ni leh bawk.

Sports Minister's Trophy hi NSS Day (Sept. ni 23) hian Vanapa Hall-ah sem a ni dawn a. NSS Day hi Aizawlah chuan HSS leh College ten Vanapa Hall-ah lawmna an nei ang a, College leh HSS atangin volunteer thlan bik leh NSS P.O te, Sorkar official te an tel ang.

♦ **Tanpuina hlan**

Sept.16, 2022 (Zirtawpni) khan Synod Higher Secondary School chuan Charity Day an hmang a, hemi pual hian School-a thawktute leh zirlaite'n pawisa fai leh buhfai an thawhkhawm a. Hemi ni vek hian thawktu thenkhatte'n tanpuina an thawhkhawm Buhfai bag 11, Dal bag 1 leh pawisa fai Rs. 82,500/- chu Thutak Nunpuitu Team (TNT) hnenah an hlan a ni.

□ **Prison Ministry**

♦ Sept. 15 - 18, 2022 chhung khan Synod Prison Ministry buatsaihin Central Jail-ah Gospel Crusade neih a ni a, Upa Dengthmingthanga, Kulikawn; Pu R. Lalchhanhima, Tuikual leh Pi Rûnremsangi Ralte, Ebenezer Team te speaker atan hman niin Mipa ward, Hmeichhe ward leh Masihi Sangati lamah te crusade hi neih a ni a. Pathian hnathawh ropui tak a lang a ni.

♦ Sept. 21 - 25, 2022 chhung hian Lawngtlai District Jail-ah Gospel Crusade neiin Rev. Lalhmuchhuaka, Director leh Speaker te Lalrempuia leh Lalliantluanga te an kal.

- ❑ **Synod Social Front**
Sept. 19, 2022 (Thawhtanni) zan khan E. Lungdar Venghlun Bial KṚP programme-in Ruihhlo leh HIV/AIDS Awareness Campaign neiin Resource Person te Pu Alan Lalmuanpuia, Pu Robert Lalrempuia leh Upa H. Lalnginglova te an kal.
- ❑ **Presbyterian English School (PES)**
Sept. 20, 2022 (Thawhlejni) khan Lungdai Hmarveng Kohhran Hall-ah One Day PES Teachers' Training neih a ni a. He hunah hian PES panga(5) - Durtlang PES, Bukpui PES, North Hlimen PES, Lungdai PES, Sihphir Venglai PES, Sihphir PES aṅging zirtirtu 80 an kal a. Heng bakah hian Lungdai Bialtu Pastor leh a thlengtu PES Management Board member Kohhran aṅging 13 an tel bawk. He One Day Training-ah hian Synod Office aṅging Pu PC. Vanlalhruaia, Supervisor of Schools leh Pu Lalvena Hnamte, Synod HSS Principal leh Synod Education Board Secretary lo ni tawh te an kal a. Infuih tharna hun ṭha tak an neih bakah paper pahnih- Elementary zirna ṭha neih pawimawhzia leh Effective Teaching - A Multi-method Project tihte an zir ho a ni.
- ❑ **Finance**
Sept. 23, 2022 (Zirtawpni) hian Serchhip Bial-ah Accounts Training neihpui turin Pu Zaihmingthanga Fanai, Accountant leh Pu R. Lalbiakdika, OA te an kal ang.
- ❑ **Campus Ministry**
Sept. 25, 2022 (Pathianni) hian Hualngohmun Kohhranah Nu leh Pa Ni leh Kristian Chhungkaw Ni programme hmanpui turin Rev. R. Ramnginglova, Director a kal ang.
- ❑ **MSSU**
 - ♦ Sept. 24, 2022 (Inrinni) hian Champhai Kanan Bial-ah Sunday School Zirtirtu training neihpui turin Pu Lalhmunzauva Tlau, Asst. Coordinator leh MSSU trainer te - Upa B. Hmingthanruala leh T. Upa Lalthanchhunga te an kal ang.
 - ♦ Sept. 24, 2022 (Inrinni) hian Chhiahtlang Bial-ah Sunday School zirtirtu training neihpui turin MSSU Trainer te Upa Dr. Lalhmachhuana leh Upa B. Lalhmunliana te an kal ang.
 - ♦ Sept. 24, 2022 (Inrinni) hian Chhiahtlang Kawnveng Bial-ah Sunday School zirtirtu training neihpui turin Pu HK. Hmingthanzuala, Asst. Coordinator leh MSSU Trainer Upa C. Lalbiaksanga te an kal ang.
- ❑ **Zin**
Sept. 22 - 24, 2022 chung hian Shillong-ah PCI Finance Sub-Committee neiin Dr. Robert S. Halliday, Superintendent a kal.
- ❑ **Synod Relief Fund**
Tun hnaia harsatna hrang hrang nei te hnenah Synod Relief Fund aṅging hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Zemabawk North, South, East leh Field Veng	Damlo	6	Rs. 48,000/-
2.	Thinghlun	Damlo	2	Rs. 16,000/-
3.	Tuiṭhaveng	In kang	1	Rs. 10,000/-
4.	Chawnpui Vengthlang	Leimin tuar	1	Rs. 10,000/-
5.	Tuipuibari	In kang	1	Rs. 10,000/-
6.	Marpara North	In kang	1	Rs. 10,000/-
7.	Khuangleng	Damlo	1	Rs. 8,000/-
8.	Hortoki	Damlo	1	Rs. 8,000/-
9.	Phulpui	Leimin tuar	1	Rs. 8,000/-
10.	Darlung	Damlo	1	Rs. 8,000/-
11.	Vaivakawn Vengthlang	Damlo	1	Rs. 8,000/-
			BELHKHAWM	Rs. 1,44,000/-

- ❑ **Pastor Quarters thar**
Synod Moderator Rev. Dr. Vanlalngbaka Ralte chuan Sept. 10, 2022 (Inrinni) chawhma dar 11 khan Saitual Chhim Veng Bial Pastor Quarters thar chu Pathian hnenah hlanin a hawng.

Kum 2021 January thla khan Saitual Chhim Veng Bial thar hi hawn a ni a. Pastor Quarters thar sak nan hian Synod atangin Building Grant Rs. nuai 35 leh Foundation Grant Rs. nuai 6 bakah, Fencing leh Retaining Wall grant te hmuh a ni a. Bial chhunga kohhran miten hnatlang tha engemawzat an sen bakah Bial KTP leh Bial Kohhran Hmeichhia ten Rs. 60,000/- an thawh bawk a ni.

Pastor quarters building hi Synod ruahman sa zul zuia sak a ni a. Fencing tha taka siam nghal vek a ni bawk. Hetianga Pastor quarters thar tha tak an han nei thei ta hi Bial chhung Kohhrante an lawm hle a ni. Synod Moderator hi bial chhung upate leh Bial Kohhran Hmeichhia, KTP leh KPP Office Bearer ten chawhlui an kilpui nghal bawk.

Synod Moderator chuan Kohhranhote tanrualna leh inpekna te avanga lawmthu sawiin, ram puma kohhrante kan tanrualna hi tualchhung kohhran ten ngai pawimawh deuh deuh tur leh tanpui ngai leh khai chhuah ngai kohhran harsa zawkte tana malsawmna ni zel turin Quarters hawna huna tel bial chhung upa leh rawngbawltute chu a chah nghal bawk.

He mi rual hian Synod Moderator chuan Saitual Venglai Kohhran Biak In leh Rulchawm Kohhran Biak In te a hmunah a tlawh nghal bawk a ni.

- ❑ **SEPTEMBER 23, 2022 (Zirtawpni) (FM Zoawi - Aizawl & Lunglei @ 7:30 p.m.):**
Solo : Lalhruaitluangi Hmar - Min Hmangaihna , Zaipawl : East Phaileng Bial Zaipawl - Hmangaihnaa khat Pathian, Thusawi : Rev. Zothansanga - Lungawina, Solo : Malsawmzuali - Vana Lallukhum, Zaipawl : Durtlang Bial Zaipawl - Nitinin Thlemna
- ❑ **Susamachar Prasaran Programme :**
SEPTEMBER 25, 2022 (Pathianni) 5:00 pm. :
Group/Choir/Solo : Karbi Presbytery Choir - O Jisu, Group/Choir/Solo : Chanmari Masihi Sangati - Aaradhana, Sermon : Rev. Laltharzuala - Masib hamara Adarsh, Group/Choir/Solo : Republic Veng Masihi Sangati - Falaksa, Group/Choir/Solo : Aizawl South West - Prabo Tumor
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator
Sept. 16 - 23, 2022 Kohhran tlawh, Bangalore
Sept. 25, 2022 Sihphir Bial : Chawhma - Sihphir Hmarveng Kohhran
Chawhnu - Sihphir Venglai Kohhran
Zan - Sihphir Kohhran

Sept. 26 & 27, 2022 Online D.Th Viva Voce Interview (Serampore College)
Sept. 28, 2022 OM
Sept. 29, 2022 Hospital BEC
Sept. 30, 2022 Ram Pum Huap Pavalai Intawhkhawm

Rev. C. Zorammawia : Senior Executive Secretary
Sept. 22, 2022 North Hlimen Pastor Quarters hawn leh zirchian
Sept. 28, 2022 OM

Rev. V.L. Luaia Hranleh : Executive Secretary
Sept. 23 - 26, 2022 Pdeng Provisional Synod hawna hmanpui, Shillong
Sept. 27, 2022 PRESCOM BEC leh Hmangaihna In Managing Committee
Sept. 28, 2022 OM
Sept. 29, 2022 Hospital BEC
Sept. 30 - Oct. 2, 2022 Synod Bookroom hawn, Hnahtial

Rev. Dr. K. Lallawmzuala : Executive Secretary
Sept. 16 - 24, 2022 Field Committee - Tripura, Karbi Anglong leh Assam
Sept. 25, 2022 Pdeng Provisional Synod hawna hmanpui, Shillong
Sept. 27, 2022 Central KTP committee
Sept. 28, 2022 OM
Sept. 29 & 30, 2022 BCM leh LIKKBK hruiatute nen inpumkhatna chungchanga inkawmhona - Lunglei leh Lawngtlai